

莘縣鄉土志

殿志 641

Ex 140.253


539

部三

莘縣全境地圖

境東界陽穀西與南皆界朝城北界
 堂邑北界聊城西北界冠縣
 北長六十里周圍約一百九十里
 大路東往東阿縣大路至朱家莊東九
 里西往大名府大路至張家莊二十五
 里南往朝城縣大路至中心閣南段二
 十五里東北往堂邑縣大路至馬橋集三
 十二里東南往陽穀縣大路至玉皇廟
 十二里西南往南樂縣大路至張店大廟
 高二十七里西北往冠縣大路至總莊
 西北段三十五里

圖	列	副	號
	市街	局警巡	廟
	祠廟	所署習	所署
	井	墳墓	塚
	塚	碑古	碑古
	城	城	城
	河	河	河
	路	路	路
	界	界	界
	田	田	田
	莊	莊	莊
	堂學	堂學	堂學
	文	文	文



莘縣鄉土志目錄

歷史

政績錄

兵事錄

耆舊錄

鄉宦

孝友

事業

貞節

戶口

宗教

莘縣鄉土志目錄

一

實業

地理

鄉里村莊

祠廟

古蹟

坊表

橋梁

市集

學堂

山水

道路

物產

動物
植物

華縣鄉土志目錄

二

歷史

唐虞三代

禹貢及周職方莘屬兗州其地在衛與齊魯犬牙相錯之間
春秋僖公二十八年左氏傳云晉侯登有莘之墟以觀師
觀師於有莘即觀師於衛境莘之屬衛無疑且有公子伋
公子壽二子之墓在焉孟子曰伊尹耕於有莘之野其名
固至戰國無廢云

秦漢魏晉

秦漢之世莘屬東郡即今東昌府陽平縣地魏晉以來莘又
屬陽平郡即今大名府又謂陽平郡即東昌府見廣輿記
北齊北周

莘縣鄉土志

北齊為樂平縣北周建德六年於樂平置武陽郡未廢樂平
又析樂平置莘亭縣屬武陽郡

隋

隋初因其舊開皇六年改樂平為陽平縣屬魏州廢莘亭縣
八年改陽平為清邑縣仍屬魏州十六年又改置莘州大
業初州廢改為莘縣屬武陽郡見廣輿記

唐

唐高祖武德四年復析莘縣置莘亭縣五年又改革縣為莘
州太宗貞觀四年廢州之舊名復置莘縣屬於魏州代宗
廣德元年置魏博等州防禦使領魏博等州莘縣屬焉見
廣輿記

宋

宋屬大名府治見宋史

金

金屬大名府路

元

元初因金之舊制至元間割莘縣隸東昌路見元史

明

洪武元年常遇春兵下東昌各屬歸附者甚夥莘縣仍屬東昌府見明史

國朝

莘縣屬山東布政使司東昌府府領州一縣九莘居郡西南

莘縣鄉土志

二

界

政績錄

漢

蔡義為陽平侯與大將軍霍光定策在昭帝元年見通鑑
李章字第公河內人光武初為陽平令時清河趙綱於莘縣
界起塢壁繕甲兵所在為害章設饗會延綱手刃之後遷瑯
琊太守祀名宦
桓焉字叔元沛郡龍元人為陽平侯當順帝為太子被廢焉
為太常力爭不能及順帝立拜太傅見通鑑
李政義烏人年代失考祀名宦

隋

張允濟青州人開皇間為武陽令化行俗美道不拾遺有人

莘縣鄉土志

三

夜發遺袍行十里始覺人語之曰可還取之果得袍後遷高
陽郡丞祀名宦

唐

馬元素中宗時為莘令瑯琊王冲起兵元素敗之祀名宦

宋

趙嶠徽宗時為莘令會天旱禱雨弁山請於朝賜額顯仁王
郡志刻趙蒙祀名宦

陳道字亨伯永州人登進士第為莘令為治有績魏尹蔣之
奇馮京交薦之為廣西轉運判官後為兵馬元帥死節建炎
初贈特進祀名宦

金

元
林之純先為朝城主簿黃河東汎橫隴瀕於不支埽兵欲亡
去之純安諭遂帖然事集遷莘縣尹以屏盜有方徙頓邱時
河水盛漲甚危之純朝服立堤上拜禱水勢頓殺境賴以安
祀名宦

徹的里迷失蒙古人至元間初為堂邑達魯花赤創建學宮
選邑內士子延師督課士爭向之及更治莘有循吏聲見郡
志

劉克敬楚邱人武宗至大三年冬涖莘首以正風俗為急務
取德居令條約教民凡遇游手惡徒嚴加懲治方春勸耕集
田父野老慰勞之至是允滑屏跡四民樂業皇慶二年冬去

莘縣鄉土志

四

莘士民為之勒政於石祀名宦

明

汪惟善洪武二年任有操守勤政績草昧之初百事頽廢惟
善修創之功居多民感其惠去後思之祀名宦

石亨陝西鳳翔人二十八年任廉明正直政績昭然陞山西
朔州知州祀名宦

白 舊志逸其名邑人傳謂民皆目為白釘言其治法之嚴
如釘之不可移也祀名宦

淡素陝西涇陽舉人成化年任為政寬平行所無事民有訟
至縣庭披情款訴第溫言慰勸百姓頌如父母祀名宦

賈克中山西代州人成化十五年任興廢舉墜至今頌其德

政祀名宦

顧巖常熟舉人成化二十一年任慈和勤敏陞河間府通判臨行士民遮道泣留祀名宦

孟隆字世昌山西遼州舉人宏治九年任達於政事有斷制才其時民有就食他郡以背遺兄置田產比返兄弗與屢訟不決乃詣隆隆遣還令獄囚誣其兄為盜因詰田產之由責其人而還之祀名宦

朱錦順天舉人宏治十五年任清廉自守臨下莊嚴興利革弊勸善懲惡數年市無游民野無惰農至今稱良吏馬祀名宦

諸忠字允中浙江餘姚舉人正德三年任雅負幹局事至善

莘縣鄉土志

五

應巨寇楊虎攻城忠倡義率眾闔門固守賊至擐甲執兵矢石交下城得以保民頌其功祀名宦

王琛廣西宜山人正德七年任平易近人篤志好學創修邑志尤推首功

徐繡河南舞陽舉人正德十年任廉介自持分毫不取嘉靖二年致仕回籍

郭希濂陝西安定舉人嘉靖二年任溫厚和平涖任六載民無怨讟尤有功學校卒於官

陳棟寶坻舉人嘉靖八年任才識精明寬猛交濟九年境內飛蝗蔽日棟命民捕取得蝗一斗者給穀一石五升共捕蝗一百二十八石皆捐廉俸給穀由是境內絕蝗民利賴之祀

名宦

劉旦順天玉田縣人嘉靖二十五年任秉性公正威愛兼施令出惟行不待檄楚而所事就緒吏役咸惴惴奉法尤重學校優禮師儒士民戴若父母奉為師保祀名宦

王士仲河南鄆城人嘉靖三十年由大興縣丞陞任徵輸不擾差徭以公尤能敦崇學校培養士子及文宗校試諸生果不爽其素所品題故當時咸服知人祀名宦

楊同春雲南舉人萬曆二十年任居官廉潔醢漿不以擾市里往時使客過屬邑之大戶主辦同春出俸金市買器具以待供張徵賦令民手封投櫃不私銖兩之羨陞南京錦衣衛經歷去之日囊空弗克治裝士民哭送百里外至今尸祝之

莘縣鄉土志

祀名宦

張一相山西翼城舉人萬曆二十四年任沈毅有為百姓安堵祀名宦

蔣克家貴州普安選貢萬曆四十六年任天性直方一塵不染重建三槐堂集士子有造者課藝於其內設鄉約所數區按期講說以布教化祀名宦

王燮元江蘇蘇州舉人天啟二年任循猷善政吏畏民懷捐俸金置立學田培養士子故邑人歌功頌德至今不朽祀名宦

孫愈賢河南滎澤選貢崇禎四年任秉心仁愛而以英斷行之事關民艱毅然爭之雖忤當道弗恤也在任三年百廢俱

興公署學舍多所修葺祀名宦

錢光泰順天大興舉人崇禎十五年任時值兵荒勸課農桑設立鄉約為民講諭邑人稱其先勞之無倦後補授山東東兗道祀名宦

薛端南京留守左衛舉人成化年任教諭精通性理博洽羣書尤能勤於施教

張鳳翔萊州舉人萬厯年任莘縣教諭品卓學富志翔千仞當於古人中求之

陳濟巴陵人成化年任莘邑訓導居心正直施教有方沈酣書史有古人風

王至化滋陽歲貢崇禎十四年任莘邑教諭品學純粹訓士

莘縣鄉土志

七

以讀書明理為先壬午城陷泮池盡節祀名宦

國朝

張羽神順天大興舉人順治元年任時當新定野多草竊羽翬開誠布公民皆洗心向化又設社學十區延諸儒訓迪之貧者助其束修朔望親詣講勸有文翁化蜀之風焉祀名宦
劉蚤譽山西洪同人丙戌進士四年任時當荒稜盜賊蜂起蚤譽身率士民守城七載備嘗艱苦於城內良民多方保護城外賊黨設法嚴懲有莘賴以安全為政清廉仁愛民之相依不啻父子後遭誣誤輿論惜之有去思傳祀名宦
張侯北直深州人壬辰進士十一年任清廉明決招撫流亡開墾荒蕪一二年間戶口增至數千課文訓士化被絃歌祀

名宦

薛之佐四川蒼溪舉人十五年任正身砥節清若冰壺戢暴安良戴若慈父陳仲弓之於太邱不異也涖任三載陞順天府司理去時遮道攀轅甘棠尸祝祀名宦

劉維貞號致符江南武進人乙未會魁康熙五年任聽訟明決不入左右一言每遇蝗旱力為請蠲輕徭除弊民困頓蘇尤能課士多方振興文教至其捐俸修學繕城輯志種種實政美不勝書涖任八年奉行取監察御史崇祀名宦

王道隆字式南浙江山陰人三十五年任屢遭水旱詳請免徵捐廉賑粥救飢民無算祀名宦

曹煜字亮采江南金壇人順治丁酉科舉人康熙二十三年

莘縣鄉土志

由太倉州學正陞授博學能文勤於政事繕修城垣魯隄水決滄灌莘田力請堵塞凡二十上議涖任八年卒於官士民立石誌之祀名宦

劉蕭字功人會稽人戊午科拔貢副榜四十九年任敷政勤慎聽訟公平倡修文廟增設義學種種善政指不勝屈

他如繕城垣建倉廩禱雨祈晴捕蝗平糶纂修縣志迄無虛日五十五年夏大雨連天水淹四野蕭親詣各鄉撫恤災民詳請賑濟外復條陳疏濬永除水患闔邑紳民公誌祀名宦

康雍以後嘉道以前涖莘邑者善政良多因咸同之年迭經兵燹冊籍多失未及詳備

周文炳道光初年任興廢繼絕實力振興口碑傳頌至今不

朽

李著字誠夫直隸舉人道光元年任忠信慈惠愛民如子邑人稱之

殷嘉樹字雨帆賜進士出身天津人道光二十五年任訟理政平人稱循吏

胡鳴泰字冠山咸豐五年任聽訟明決六年八月調金鄉十一年春教匪倡亂奉委來莘密查滋事首犯鳴泰立判涇渭全活良民頗多至其奉查兵勇搶奪辦理保甲懇切惟勞噴噴人口

黃以鑫咸豐間任屢遭兵燹艱苦備嘗猶能不憚頻煩諭民以義

莘縣鄉土志

九

鄭景福咸豐間任重修城垣保全士民邑人立石誌之
權汝欽字熙坤同治初年任精明果斷是非立判

趙國華字菁衫直隸進士同治年任待士民情致懇切不自知其為官長

羅保謙同治年任守城出力積勞成病卒於官

陳代卿同治間任查辦逆產移置先覺書院妥立章程士林不忘

李以菁字子幾重查逆產嘉惠士林

張金芝直隸舉人光緒三年任歲旱秋收大減金芝力請免漕邑人感其德

曹榕河南河內人光緒四年任捐立義學九區惠及寒士邑

人立德政碑以誌之
耿榮昌光緒十二年任信厚待人
不設城府捐廉重修
文廟邑人公立碑記

張朝瑋河南澠池人宏獎善類鼓舞不倦重修莘志百餘年
掌故賴以蒐存一切政務皆以不忍人之心出之故士民戴
如父母

王徵江西安仁縣拔貢光緒二十二年任和平渾厚有古循
吏風甫下車息訟懲奸種種善政指不勝屈捐廉俸創修考
院獎勵諸生士民感戴勒石立碑並建貞珉於考院皆所以
誌弗諠云

謝應奎招遠縣歲貢順治九年任莘縣教諭厚重端方言行

莘縣鄉土志

十

不苟修葺學宮尤為出力

鄧林春武定歲貢順治十六年任莘縣教諭捐俸重修
東廡闔學頌之祀名宦

鄧光玉康熙初年任訓導祀名宦

張朝棟歲貢康熙十八年任莘教諭公正和平多士矜式
李敬之長山縣歲貢康熙二十七年任莘縣教諭簡重有體
祀名宦

臧恂諸城縣舉人康熙三十四年任莘教諭品節詳明跬步
無失祀名宦

趙紹淵汶上縣歲貢康熙十八年任莘訓導厚重端方儀型
多士祀名宦

文廟參訂邑乘祀名宦

李元祉字奉五淄川歲貢康熙四十二年任莘教諭協修
馬顯錫商河縣歲貢康熙二十八年任莘縣訓導正己律人
以古道自處祀名宦
田學嘉禹城縣歲貢康熙四十五年任莘縣訓導正直和平
寬嚴交濟秉鐸七載多士咸被化雨祀名宦
傅廷鎧高密縣歲貢康熙五十二年任莘邑訓導品行端嚴
不干外事所至諸生皆收斂就範祀名宦

軍事錄

後漢

獻帝初平元年白波賊寇東郡三年于毒等攻東武陽曹操破之

建安八年袁尚將呂曠呂翔叛尚屯兵陽平以其眾降於魏

晉

惠帝永興二年秋七月成都王穎部將公師藩攻陷州縣害陽平太守李志平昌公模遣將趙驥擊破之

懷帝永嘉元年公師藩復稱將軍濮陽太守苟晞擒斬之石勒與苟晞等相持於陽平數月大小三十餘戰八月苟晞大破汲桑於東武陽

莘縣鄉土志

十二

愍帝建興元年山東郡縣相繼陷於石勒

東晉

成帝咸和七年後秦姚弋仲死子襄帥師攻陽平城破

穆帝永和七年後趙石祗使將劉顯攻丹閔而敗閔追至陽平

安帝義熙元年青州刺史劉該反魏陽平太守孫全聚眾應之晉劉裕將兵斬該及全

東魏

孝靜帝天平四年以高季世為濟州刺史擊陽平賊路文徒等平之

北齊

文宣帝天保元年東魏行臺辛術寇陽平不克

唐

高祖武德四年劉黑闥自貝州反陷莘州三月秦王破劉黑闥盡復所陷州縣黑闥奔突厥十二月魏州總管田劉安擊黑闥破之獲其莘州刺史孟柱

武后垂拱四年瑯琊王沖引兵擊武水武水令郭務悌詣魏州求救莘縣令中道邀沖恐不敵入武水閉門拒守沖焚其南門因風回軍

昭宗乾甯二年朱全忠欲攻兗郡李克用遣李存信救之軍於莘縣師還羅宏信襲取之三年羅宏信敗太原軍於莘縣六月李克用攻魏州及其郭大掠六郡陷十餘邑報莘之怨

莘縣鄉土志

十三

也

後梁

末帝貞明元年梁將劉鄩軍於莘縣晉軍踵之鄩治莘城守之晉王營於莘西三十里煙火相望一日數戰鄩去攻清平二年正月晉王留李存審於莘敗之

明

武宗正德六年流寇楊虎攻莘城知縣諸忠拒走之又有流賊霸州劉六等寇莘縣遊擊將軍許泰帥師破之崇禎十五年十一月土寇黃三等攻莘二十七日城陷

國朝

順治四年冬土寇劉思同李正心等倡亂四載城內良民枵